

آبونه سرائطی

ممالك عثمانیه ده سنه لکی (۶۵) ، آلتی
آیلغی (۵۳) غروشدر .
ممالك اجنبیه ده سنه لکی (۱۷) ، آلتی
آیلغی (۹) فرانقدر .

اداره خانه

باب عالی جاده سنده دائرة مخصوصه

اخطارات

آبونه بدلی پشندر .

§

مسئله موافق آثار مع الممنونیه قبول
اولنور . درج ابدله یں یازیلر اعاده
اولونماز .

المجله

س ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

دینی ، فلسفی ، علمی ، ادبی سیاسی هفته لقی مجموعه اسلامیه در .

والله یهدی من یشاء الی صراط مستقیم

صاحب و مدیر مسئول : ح ادیب اشرف

اتبعون اهدکم سبیل الرشاد

عدد ۲۸۳

۱۶ ربیع الاول ۱۳۳۲

پنجشنبه

۳۰ کانون ثانی ۱۳۲۹

جلد ۱۱

اخطارات

رساله مزدن آلدیغی کوسترملک شرطیله
بتون یازیلر هر هانکی بر غرضه طرفندن
اقتباس اولونه بیلیر .

§

مکتوبلرک، امضالری واضح و اوقوناقلی
اولمسی و آبونه صره نومروسى محتوی
بولونمسی لازمدر .

§

ممالك اجنبیه ایچون آبونه اولانلر
آدرس لریك فرانسزجه ده یازلمسی رجا
اولنور .

§

پاره کوندرلدیکی زمان نه یه دائر اولدیغنک
واضحاً بیلدیلمسی رجا اولنور .

رفیقه مجاهده من فاطمه زهرا خانم افندی

میدان مدافعه ده بزره پرو اولدیغکزدن طولای سزی تبریک
وحق عاجزانه مده کوستریلان حسن توجهلرکزه ده تشکر ایدرم .
عایشه ملیحه خانم افندیکن مدافعه نامه لری دخی سزای تقدیر وموجب
شکراندر .

قرداشلر ! بز سکوت ایتدجه نستر دشمنلریکن تجاوزاتی آرتیور .
بناء علیه بزم مستوریتزده ارکان تحریریة اجتهدک علاقه سی یوق ایسه
دینی کبی عائله سنک ناموسی سون ، حیثیتی بیلن مرد ارککلرمنک
تسترله رابطه قویه سی واردر .

اللهک عنایتنه صیغینه رق ، علما وفضای محترمه لرمنک هم
ومظاهرتنه کوکنه رک حقوق مقدسه معنویه سزی مدافعه دن کپرو
طورمیه جغز . خلاصه مسلمان محله سنده صالیانغوز صاندیرمیه لم
والسلام . ف . لطفیه

حیات اقوام اسلامیه

چینده اسلامیت

۲

« قانسو » ولایتی چین مسلمانلغکن مرکزیدر . « قانسو » لوامی
داخلنده بیک اوچیوز جامع بولندیگی کبی ولایتک مرکزی ایله جوار
مواقعه کی جامعلرک عددی همان بیکی متجاوزدر . بوکا کوره ولایت
مذکوره نك اقسام سائرهنده کی مسلمانلرک مقداری حقنده بر فکر
ایدینه بیلیمک ممکندر . « حوانغ حو » نك اک بیوک مراکز تجاریه .
سندن بری اولان « بیانغ هيسا » نك (طانغونلرک اسکى پاختلری)
اکثریتله مسلمانلر ایله مسکون اولدیغنی بالذات چین مطبوعاتنک
نشریاتی ایله اثبات ایدرز . بوندن دها بیوک براعمادله « لیانغ شوفو »
ده پاربخانی (چینک شمال غریبسنده) ، « حامی » ایله بیسوک
دیوارلر آره سنده کی مواقعک دخی مسلمانلرک النده اولدیغنی بیان
ایدرز . خریطه لر مزده عمومیتله بیسوک دیوارلرک قسم شمالیسی
برچول اوله رق ارائه اولنمقده در . حالبوکه حقیقتده بوراسی آسیای
وسطی نك برنخی درجه ده طرق تجاریه سنندن در . بونک اطراف
اربعمه سی مسلمان کویلیری ، اوتلاری و جامعلری ایله محاطدر .
« قانسو » ولایتک موقع جغرافیسی تدقیق ایدیلنجه ؛ بوراسنک نه دن
دولای مسلمانلغک مرکزی اولدینی اکلایلیر . بوراسی چینک عالم
خارجی اسلامیه الکیقین اولان برمحلی در . اسکیدن چینه کیتیمک
ایسته ین عرب ، ایران ، بخارا ، حتی قازان مسلمانلری وقتیه بورادن
کچرلردی . عینی سبیدن مسلمانلغک ایلك واعظلری ینه بوراده ظهور
ایله شددر .

بصیرة انامن اتبعنی . « صم بکم عمی فهم لایرجعون » مسلمانلر تدقیق
ایده جک اولورلرسه کوررلرک سلفلری بوقاعدیه شدتله تمسک ایتشلر ،
دلیلسز هیسج برشیی قبول ایتهمشلر . اگر مسلمانلرده اضمحلالدن
قورتولمق ایستلرسه ، اوله هر فکره ، هر سوزده ، اصل واساسی
معلوم اولمیان جریانلره قایلماسونلر ! فلان ملت بویه یاپیوز ، فلان
قوم شویله حرکت ایدیور دیه رک کور کورینه مقلد اولماسونلر ! ملتیرینه
موافق اولوب اولمیان شیلری تدقیق ایتسونلر !

حیات ملته تعلق ایدن قواعددن بری ده شریعتک حدودی داخنده
حریت فکر ، حریت قول ، حریت عمل در . اسلافز فکرآ ، قولآ ،
عملآ ، بک حر ایدیلر . فقط اولنمده کی حریت هیسج بروقت حدود
شریعتی تجاوز ایتمه مشدر .

هیئت اجتماعیه نك حیاتی تأمین ایدن بوقواعد وارکانی مهمل
براقدیغمنر ایچوندرک دنیا ده مسکنت ومذلت ایچنده قالدق ، حاکم ایکن
محکوم ، حر ایکن اسیر اولدق ، نه حیاتغز قالدی ، نه شان وشرفغز .
خلاصه : مسلمانلق عالمنک حیات سابقی اعاده ایتک ایچون اسلافک
تعقیب ایله دیکی خط حرکتدن آیریلما یوب اللهک ، رسولنک حیات
ویرن دعوتنه اجابت ایتک لازم . بشقه صورتله حرکت ، فنا بر فکردن
نشئت ایتمه سه بیله ، وجود اسلامی صارصان مرضی بیلیمه یه رک ،
تشخیص ایتمه یه رک کور کورینه حرکت درک نتیجه سی بک وخیم در .
« فاعلموا اهل الذکر ان کنتم لاملعون »

آفسه کیلی : احمد حمدی

نسایات

سبیل الرشاد مجموعه اسلامیه سی واساطیله درسعات مرکز قوماندانی

خلیل بک افندی حضرتلرینه

کچن هفته مقام عالیلری طرفندن مطبوعاته ویریلان « تستر نسوان »
حقنده کی تبلیغات رسمیه لرندن طولای بوتون مسلمان قادیلری
همشیره لرمنک تشکرات منتدارانه سی تقدیم وبواوامر مصیبه لرینک
نمره اجرا آتی کورمکه افتخار ایلرژ . بونکه برابر هنوز کنج
ومعصومه اولادلرمنک حسیات دینه لرینی تشویش و اخلاق صافیله لرینی
افساد الیکده اولوب کتابچی دکانلرنده ، قرطاسیه مغازه لرنده صاتیلان
برطاقم مخل آداب تصاویری حاوی قارت پوستاللر ایله تألیفات
مفسده نك منع فروختی و کزلیجه صاتانلر حقنده مجازات شدید اجرا
بیورلمسنی سلامت دین و ادب نامنه رجا واسترحام ایلرژ فرمان .

ف . لطفیه